



8. november 2011

Inatsisartut suleriaasianni § 37 immikkoortoq 1 naapertorlugu Naalakkersuisunut imaattumik apeqquteqarniarpunga.

Nunatta kujataani 2012-ip naanerani Air Greenlandip helikopteriutai S-61-it atorunnaarpata innuttaasut angallannikkut periarfissaasa ajorseriannnginnissaat qulakkeerniarlugu Naalakkersuisut qanoq piareersaateqarpat?

(Inatsisartuni ilaasortaq, Anders Olsen, Siumut)

Tunngavilersuut:

Soorlu ilimasaarutigineqareertutuut 2012-ip naanerani Air Greenlandip helikopteriutai S-61-it atorunnaartussaasutut nalunaarutigineqarnikuupput, tamatumalu kingorna ilimagisariaqarluni nunatta kujataani silaannakkut angalaniarnerup suli ullumikkornit ilungersunarnerusumik inisseriaanaanera.

Qularutissaanngitsumimmi S-61-it atorunnaarpata helikopterit mikisut ikitsuinnarnillu ilaasoqarsinnaasut kisimik atorneqarlerpata kujataani angalaniat Nanortalimmeersut, Qaqortumeersut Narsameersullu kiffartuunneqarnerat ajorluinnartumik inissinnissaa takorloorsinnaavarput.

Ilutigalugu Air Greenlandimut kiffartuunneqarnissamik isumaqatigiissutit 2012-ip naameranut atuutussaasut naasussaapput, taamaattumik paaserusunnarpoq kiffartuunneqarnissamik isumaqatigiissusiornissanut nutaanut Naalakkersuisut qanoq piareersaateqarnerusut paasissallugu.

Ilaatigullu aamma Assartuussineq pillugu ataatsimiititaliap inassuteqaataasa ilagaat sikorsuaqarfiumnginnerup nalaani imaatigut angallannerup illoqarfiit aammalumi nunaqarfiit akornanni ingerlanneqarluarsinnaasup periarfissaalluarnera, taamaammat helikopteri kisiat atorlugu angallassinerep imaatigut angallassinermik tapeqartinneqarluarsinnaanera misissorluarneqarsinnaalluarpoq.

Pingaartumimmi helikopterit mikisut atorlugit nunaqarfinnik kiffartuussinerit ullutsinni tulluannngitsutut nalilerneqarsinnaapput, tassami innuttaasut billitsinut akiliutissaat taama annertutigitillugit angalaniarsinnaanerit ajornarluinnareermat.

Kissaatigaara apeqquteqaatiga ullut suliffiusut qulit iluanni akineqareersimanissaa.